

Ўзбекистон Республикаси Давлат ветеринария кўмитасининг ўз ваколатлари доирасида қабул қилган қарорлари вазириликлар, идоралар, маҳаллий давлат ҳокимияти органлари, бошқа ташкилотлар, мансабдор шахслар ва фуқаролар томонидан ижро этилиши мажбурий ҳисобланади;

Давлат ветеринария хизмати Ўзбекистон Республикаси Давлат бюджетининг маблағлари ва қонун ҳужжатларида тақинланмаган бошқа манбалар ҳисобидан таъминланади.

6. Ўзбекистон Республикаси Қишлоқ ва сув ҳўжалиги вазириликнинг:

Ўзбекистон Республикаси Қишлоқ ва сув ҳўжалиги вазирилик хузуридаги Ўзбекистон Қишлоқ ҳўжалиги илмий-ишлаб чиқариш маркази тассаруфидати Ветеринария илмий-тадқиқот институтини Ўзбекистон Республикаси Давлат ветеринария кўмитаси тузилишига бериш тўғрисидаги;

Эпизоотияга қарши курашиш республика экспедицияси ва Хайвонларнинг оқсил касаллигига қарши курашиш отряди тугатилиб, уларнинг функцияларини Ўзбекистон Республикаси Давлат ветеринария кўмитасининг Хайвонлар соғлигини сақлаш бошқармаси зиммасига юклаш тўғрисидаги;

Хайвонларнинг ўта хавфли касалликлари бўйича давлат лабораторияси, Парранда касалликлари бўйича давлат ветеринария лабораторияси ва Республика давлат ветеринария лабораторияси негизда Республика хайвонлар касалликлари ва озиқ-овқат маҳсулотлари хавфсизлиги ташхис марказини ташкил этиш тўғрисидаги;

Ветеринария дори воситалари ва озуқабон қўшимчаларнинг сифатини назорат қилиш давлат лабораториясини Ветеринария дори воситалари ва озуқабон қўшимчалари сифати ва муомаласини назорат қилиш давлат илмий марказига айлантириш тўғрисидаги тақлифларига розилик берилсин.

7. Ўзбекистон Республикаси Вазирлар Маҳкамаси бир ҳафта муддатда Ўзбекистон Республикаси Давлат ветеринария кўмитаси фаолиятини ташкил этиш чора-тадбирлари тўғрисидаги Ўзбекистон Республикаси Президентини қарори лойиҳасини белгиланган тартибда киритсин.

8. Ўзбекистон Республикаси Давлат ветеринария кўмитаси Адлия вазирилик ҳамда бошқа манфаатдор вазириликлар ва идоралар билан биргаликда икки ой муддатда қонун ҳужжатларига ушбу Фармондан келиб чиқадиган ўзгариш ва қўшимчалар тўғрисида Ўзбекистон Республикаси Вазирлар Маҳкамасига тақлифлар киритсин.

9. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикаси
Президенти**

Тошкент шаҳри

Ш. Мирзиёев



*Ишлар рус тилидаги матни билан.

ЎЗБЕКИСТОН RESPUBLIKASI ПРЕЗИДЕНТИНИНГ ФАРМОНИ



2017 йил 1 июль

№ 12-50 67

20

Давлат ветеринария хизмати бошқаруви тизимини тубдан тақомиллаштириш чора-тадбирлари тўғрисида

Ветеринария соҳасида давлат бошқарув тизимини тубдан тақомиллаштириш, хайвонларнинг соғлигини сақлаш бўйича самарали ишларни ташкил этиш, давлат ветеринария назоратини қучайтириш ва ветеринария сервис сифатини ошириш, эпизоотик осойишталикни ва озиқ-овқат маҳсулотлари хавфсизлигини таъминлаш, ички ва ташқи бозорларда талаб юқори бўлган ва рақобатдош келиб чиқishi хайвонотга мансуб маҳсулот ва хомашё ишлаб чиқариш учун қулай шарт-шароитлар яратиш, ветеринария хизмати тизимини янада ривожлантириш мақсадида:

1. Ўзбекистон Республикаси Қишлоқ ва сув ҳўжалиги вазирилик хузуридаги Давлат ветеринария бош бошқармаси негизда Ўзбекистон Республикаси Давлат ветеринария кўмитаси ташкил этилсин.

Белгилаб қўйилсинки, Ўзбекистон Республикаси Давлат ветеринария кўмитаси Ўзбекистон Республикаси Вазирлар Маҳкамасининг Қишлоқ ва сув ҳўжалиги, қишлоқ ҳўжалиги маҳсулотларини қайта ишлаш ҳамда истеъмол товарлари масалалари комплекс таркибига қиради.

2. Ўзбекистон Республикаси Давлат ветеринария кўмитасининг асосий вазифалари ва фаолият йўналишлари этиб, қуйидагилар белгилансин:

ветеринария соҳасида ягона давлат сиёсатини амалга ошириш, норматив-ҳуқуқлари билан тартибга солишни таъминлаш, ушбу соҳада давлат ва ҳўжалик бошқаруви органлари ҳамда маҳаллий давлат ҳокимияти органларининг ўзаро ҳамкорлигини мувофиқлаштириш, ветеринария фаолиятини лицензиялашни амалга ошириш;

ветеринария хизматини янада ривожлантириш бўйича давлат дастурларини ишлаб чиқиш, мамлакатимиз ҳудудларига хайвонларнинг юқумли касалликлари кйриб келишидан химоя қилишни таъминлаш, амалиётга хайвонларни даволашнинг ва профилактикасининг замонавий усулларини жорий этиш, маҳаллий ва хорижий фан ютуқларини жорий этиш асосида ветеринария дори воситаларининг янги турлари ва шакллари ишлаб чиқариш;

эпизоотик осойишталикни таъминлашда хайвонларнинг юқумли касалликларини ўз вақтида аниқлаш, ташхис қўйиш ва тарқалишининг олдини олишга доир профилактик ишларнинг самардорлигини мониторинг қилиш;

ҚИРГИЗ 2-8/ 06
2017

ветеринария тўғрисидаги қонун ҳужжатларига риоя этилишида давлат назоратини таъминлаш, ветеринария соҳасидаги ҳуқуқбузарликларни олдини олиш ишларини сифатли ва тизимли равишда ташкил этиш бўйича чора-тадбирларни ўз вақтида ишлаб чиқиш ва амалга ошириш;

хайвонларни касалликлардан ҳимоя қилиш, келиб чиқishi хайвонотта мансуб маҳсулот ва ҳомашё хавфсизлигини таъминлашда идоравий ҳамда ишлаб чиқариш ветеринария хизматлари фаолиятини мувофиқлаштириш;

ветеринария дори воситалари ва озуқабоп қўшимчаларнинг сифати ҳамда муомаласи юзасидан назоратни амалга ошириш;

кадрларни тизимли қайта тайёрлаш ва малакасини оширишни ташкил этиш, раҳбар ва мутахасссларнинг иш услуби ва шакллариини такомиллаштириш, шу жумладан, тизимга қарашли идоралар, юклатилган вазифаларни ўз вақтида ва сифатли ижроси бўйича уларнинг масъулиятини ошириш;

ветеринария соҳасида илмий, услубий ва таълим салоҳиятини ҳар томонлама ривожлантириш, илмий тадқиқотлар йўналишларини белгилаш, фундаментал ва амалий тадқиқотлар, инновациявий ишланмалар натижаларини ветеринария амалиётга жорий этилишини мувофиқлаштириш;

халқаро ҳамкорлиқни кенгайтириш ҳамда ветеринария хизмати фаолиятига илгор технологиялар ва иш услубларини жорий этиш.

3. Ўзбекистон Республикаси Давлат ветеринария кўмитаси тизимида қуйидагилар ташкил этилсин:

хуудий давлат ветеринария бошқармалари негизида Қорақалпоғистон Республикаси ветеринария кўмитаси, вилоятлар ва Тошкент шаҳар ветеринария бошқармалари;

хуудий давлат ветеринария бўлиmlари базасида туманлар (шаҳарлар) ветеринария бўлиmlари.

Қорақалпоғистон Республикаси ветеринария кўмитаси, вилоятлар ва Тошкент шаҳар ветеринария бошқармалари Ўзбекистон Республикаси Давлат ветеринария кўмитасига ва тегишли равишда Қорақалпоғистон Республикаси Вазирлар Кенгашига, вилоятлар ва Тошкент шаҳар ҳокимликларига ҳисобот берадилар.

4. Белгилаб қўйилсинки:

Ўзбекистон Республикаси Давлат ветеринария кўмитасининг раиси Ўзбекистон Республикаси Президентини томонидан Ўзбекистон Республикаси Бош вазирининг тақдимномасига биноан лавозимга тайинланади ва лавозимдан озод этилади;

Ўзбекистон Республикаси Давлат ветеринария кўмитаси раисининг ўринбосарлари Ўзбекистон Республикаси Президентини томонидан лавозимга тайинланади ва лавозимдан озод этилади;

Қорақалпоғистон Республикаси ветеринария кўмитаси раиси Ўзбекистон Республикаси Давлат ветеринария кўмитаси раиси билан келишилган ҳолда

Қорақалпоғистон Республикаси Жўқорғи Кенгеси томонидан лавозимга тайинланади ва лавозимдан озод этилади;

вилоятлар ва Тошкент шаҳар ветеринария бошқармаларининг бошликлари Ўзбекистон Республикаси Давлат ветеринария кўмитаси раиси томонидан вилоятлар ва Тошкент шаҳар ҳокимларининг тақдимномасига биноан лавозимга тайинланади ва лавозимдан озод этилади;

туманлар (шаҳарлар) ветеринария бўлиmlари бошликлари Қорақалпоғистон Республикаси ветеринария кўмитаси раиси, вилоятлар ва Тошкент шаҳар ветеринария бошқармаларининг бошликлари томонидан туман (шаҳар) ҳокимларининг тақдимномасига биноан лавозимга тайинланади ва лавозимдан озод этилади;

Ўзбекистон Республикаси Давлат ветеринария кўмитасининг раиси Ўзбекистон Республикасининг Бош давлат ветеринария инспектори, унинг ўринбосарлари Ўзбекистон Республикасининг Бош давлат ветеринария инспекторининг ўринбосарлари, Ўзбекистон Республикаси Давлат ветеринария кўмитасининг Давлат ветеринария назорати бошқармаси ветеринар мутахассслари ўз ваколатлари доирасида давлат ветеринария инспекторлари ҳисобланади;

Давлат чегарасидаги ва транспортдаги давлат ветеринария назорати бошқармаси бошлиғи давлат чегарасидаги ва транспортдаги бош давлат ветеринария инспектори, унинг ўринбосарлари эса давлат чегарасидаги ва транспортдаги бош давлат ветеринария инспекторининг ўринбосарлари ҳисобланади;

Қорақалпоғистон Республикаси ветеринария кўмитаси раиси, вилоятлар, Тошкент шаҳар ветеринария бошқармаларининг бошликлари Қорақалпоғистон Республикаси, вилоятлар, Тошкент шаҳар ва туманлар (шаҳарлар) бош давлат ветеринария инспекторлари, уларнинг ўринбосарлари эса тегишли равишда Қорақалпоғистон Республикаси, вилоятлар ва Тошкент шаҳар бош давлат ветеринария инспекторларининг ўринбосарлари ҳисобланади;

туманлар (шаҳарлар) ветеринария бўлиmlарининг бошликлари тегишли равишда туманлар (шаҳарлар) бош давлат ветеринария инспекторлари ҳисобланади;

ветеринария участкалари ва бозорлар ветеринария-санитария экспертиза лабораториясининг мудиrlари, тегишли равишда участка ва бозорларда давлат ветеринария инспекторлари ҳисобланади;

чегарадаги ва транспортдаги ветеринария пунктларининг (участкаларининг) бошликлари ва ветеринар врачлари, тегишли равишда чегарадаги ва транспортдаги ветеринария пунктларининг (участкаларининг) давлат ветеринария инспекторлари ҳисобланади.

5. Белгилансинки:

Ўзбекистон Республикаси Давлат ветеринария кўмитаси Ўзбекистон Республикаси Қишлоқ ва сув ҳўжалиги вазирлиги ҳузуридаги Давлат ветеринария бош бошқармасининг ҳуқуқлари ва мажбуриятлари бўйича ҳуқуқий вориси ҳисобланади;